

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

**Imm. 02 Nutaamik naligiissarinissamut ilusiliinissaq ataatsimoortumillu tapiissutitut
sinaakkusiineq - malinnaatitsineq.**

**Imm. 03 Sisimiuni utoqqarnut inissiat aqqaneq-marluk pillugit suliariumannittussarsius-
sinerup inernera – immikkut aningaasaliissutit.**

Paasissutissiissutit

**Imm. 04 Maniitsumi utoqqarnut pisinnaanerusunut inissiat aqqaneq-marluk pillugit
missingersuut A.**

Imm. 05 Maniitsumi krani pillugu Karl Lyberthip saaffiginnissutaa.

Imm. 06 Tamalaat.

Ataatsimiinneq videokonferenci atorlugu ingerlanneqassaaq aallartissallunilu nal. 10:00

Peqataasut:

Atassut

Inuit Ataqatigiit

Siumut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Imm. 02 Nutaamik naligiissaarinnissamut ilusiliinissaq ataatsimoortumillu tapiissutitut sinaakkusiineq - malinnaatitsineq

Journalnr.

Tunuliaqutaq

Nutaamik naligiissaarinnissamut ilusiliinissaq ataatsimoortumillu tapiissutitut sinaakkusiinissaq pillugu, 2014-imi juunip tallimaani Kommunalbestyrelsip suliaq eqqartorpa. Suliamik eqqartuinnermi BDO-p tamatumunnga oqaaseqaatai tunuliaqutaapput.

Ataatsimiinnermi kommunalbestyrelsi aalajangiivoq:

nutaamik naligiissaarinnissamut ilusiliinissaq ataatsimoortumillu tapiissutitut sinaakkusiinissamut iluseritinniagaq, Namminersorlutik Oqartussat pilersitaannik akileraarutit isertitanik inuiaqatigiillu agguataarneri aammalu isumaginninnikkut/sananeqarnermik aallaaviusut 50/50 missaaniittut agguataarnermik, allakkiami takussutissiaq 36-mut naapertuuttumut aallaaveqartaria**qartoq**

2015-i aallarnerfigalugu iluseritinniagaq atuutilertaria**qartoq**

iluseritinniagaq inaarsarneqassasoq immikkoortutigullu arfinilinnut tullinnguuttutigit inerisarneqassasoq:

- A. Suliffeqarfiit 50-it sinnerlugit sulisoqartuinnarniunngitsuni suliffeqarfinili Namminersorlutik Oqartussat pilersitaanni tamani inuit akileraarutaat ilaatinneqartariaqarpoq.
- B. Naalagaaffiup suliffiutaani inuit akileraarutaat aamma naligiissartariaqarput
- C. Innuttaasumut ataatsimut kommunimut akileraarutit qaffanneqarneranut sunniutai, kommuninut tamanut assigiikannertariaqarput
- D. Inuiaqatigiit agguataarnerisa aallaaviginerat ukioqassuseq malillugu immikkoortunut aggnorsorneqassapput, taamaalillutik kommunip aningaasartuutaannut annertunerusumik naapertuutilissallutik
- E. Isumaginninnermit/sananeqarneranut aallaaviusut taamatuttaaq inerisarneqassapput, taamaalillutik kinaassusersiunngitsumik paasissutissanik toqqammaveqassallutik
- F. Isumaginninnermit/sananeqarneranut aallaaviusut maannakkut aallaaviusunit sisamaasunit aallaavinnik amerlanerusunik toqqammaveqartariaqarput, taamaalilluni iluseritinniagaq aallaavinnik ataasiakkaanik allannguinnermi malussarissuussanngilaq

Tamatuma kingornatigit Aningaasaqarnermut Naalakkersuisoq Vittus Qujaukitsoq Kanukoka-p siulittaasua ilagalugu naligiissaarinnissamut aqqissuussinissaq pillugu ulloq 18. juni 2014 borgmesterit sisamaasut immikkut ataatsimeeqatigivai. Ataatsimiinnissaq ullormik ataatsimik sioqqullugu ataatsimiinnissami atortussat nutaamik ilusiliinertalik Namminersorlutik Oqartussat akissarsianut aningaasartuutaasa 40%-iinnai naatsorsorneqarsimallutik nassiunneqarpoq.

Tamatuma kingorna Naalakkersuisoq Vittus Qujaukitsoq ulloq 27. juni 2014 Namminersorlutik Oqartussat akissarsianut aningaasartuutaasa 70%-ii naatsorsorsimallugit nutaamik ilusissamik nassiussivoq. Aammattaaq tullinnguuttut pingasut ukiuni qulini atorunnaariartortinneqassapput: inuusuttut sullitat, akissarsiakinnerit taavalu najugaqarfinni mikinerusuni innuttaasut. Nassiunneqartumi takuneqarsinnaavoq kommunit kingusinnerpaamik 1. august 2014 akissuteqarnissaminnut piumaffigineqarsimasut. Ilutigalugu paasissutissiissutigineqarpoq ulloq 4.-5. august 2014 borgmesterit Naalakkersuisullu akornanni isumaqatiginninniarluni ataatsimiinnissami isumaqatigiissutaasimasumi imarisaasut allanngortinneqarsimasut.



Maleruagassatigut tunngavissat

Namminersorlutik Oqartussat akileraarutinik naligiissaarinermut kommunillu ataatsimut akileraarutaannut ukiumut nalunaarusiortarput, kingullermik 2014-imut nalunaarut nr. 26, 30. december 2013-imeersoq.

Namminersorlutik Oqartussat Kanukokalu ukiumoortumik kommuninut ataatsimoortumik tapiissutit isumaqatigiissutigisarpaat, kingullermik ukiumut 2014-imut missingersuiffiusumut isumaqatigiissut 3. juli 2013-imeersoq. Kommunit Namminersorlutik Oqartussanit suliassanik sularinnissaminut, namminersorlutik oqartussat inatsisiliorneratigut piumasaqaataasunik imaluunniit kommunit suliassaat isumaqatigiissutigineqarsimasut sularinissaannut, ataatsimoortumik tapiissutinik pisarput. Taamaasillutik ataatsimoortumik tapiissutit suliassarpassuarnik imaqarput, inatsisiliorneratigut kommunit suliakkiunneqarsimasut, taakkualu annertooujussuullutik.

Pissutsit atuuttut

Kommunit assigiikannersunik pissutsinik atugassaqaralarpata, taava ataatsimoortumik tapiissutit inuttussuseq malillugu ajornanngitsumik agguataarneqarsinnaapput. Kommunilli assigiinngillat, taamaasilluni kommunit ilaat ulluunerani paaqqinnittarfinni meerartai amerlanerullutik, imaluunniit utoqqaat illuini utoqqartaqarnerullutik imaluunniit innarluutillit amerlanerullutik imaluunniit suliffissaaleqisut pisortanit ikiorsiissutinik pisartagallit amerlanerullutik. Taamaattumik kommunit taakkua Namminersorlutik Oqartussat inatsisiliornerata kingunerisaanik aningaasartuuteqarnerulerlutik, taakkualu annaasatut taarsiissutigineqartariaqaralarput.

Ukiuni kingullerni naligiinnginneq qaffakkiartorsimavoq, ilaatigut Namminersorlutik Oqartussat illoqarfiup pingaarnersaanik isiginninniarpallaarsimanerat peqqutigalugu, taamaattumillu ataatsimoortumik tapiissutit, akileraarutinik naligiissaarinerit ataatsimoortumillu tapiissutit naatsorsorneqarneri iluarsanneqartariaqarput, taamaasilluni innuttaasut sumiluunniit najugaqaralarunik assigiikannersumik sullinneqarniassammata.

Namminersorlutik Oqartussat illoqarfiit pingaarnersaannik, taamaasilluni Kommuneqarfik Sermersuumik, isiginninniarpallaarsimanerat imatut isigineqarpoq,

1. Namminersorlutik Oqartussat 2009-mili sanaartugassanut aningaasaliissutaat Nuummi salliutinneqarsimapput
2. Namminersorlutik Oqartussat piginneqataassutsinik piginneqatigiiffii nutaat Nuummi sanaartugassanut suliassani piffissami tamatumani aningaasanik atortarsimapput
3. Namminersorlutik Oqartussat Nuuk pillugu immikkut aaqqiissusiortarsimavoq
4. Namminersorlutik Oqartussat Nuummi kulturikkut kommunip suliassai aningaasalersortarsimavai
5. Namminersorlutik Oqartussat suliffeqarfiutiminik nunap sinneranit Nuummut nuussuinerit kattussuussinertillu salliutittarsimavaat
6. Namminersorlutik Oqartussat naalagaaffiup aningaasaliissutai Nuummi pingaarnersiortarsimavai

Siusinnerusukkat naligiissaarinermut ataatsimullu tapiissutit ilusaasa paasiuminaannertik, illuinaasiornertik kisitsisitigullu oqimaaqatigiinnginnerit ilisarnaatiginikuuaat. Taamaalilluni naligiinnginneq ukiuni kingullerni annertuumik qaffakkiartorsimavoq, kommunillu sullissinermi pitsaassusaat annertuumik assigiinngilertissimallugu. Namminersorlutik Oqartussat illoqarfiit pingaarnersaannik Aningaasanut inatsimmi sanaartugassanut aningaasaliissutinik salliutitsinerata inissisimaneq ajornerulersinnikuuvaa naligiinnginnerlu annerulersillugu.



Ilusissat nutaat Aningaasaqarnermut Naalakkersuisumit siunnersuutigineqartut takutippaat, siunnersuutit suleqatigiissitanik pilersinneqarsimasunik kommuninit peqataaffigineqartunit suliarineqarsimangitsut. Taamaasilluni Nuummiinnaq najugaqartunit ilusissat nutaat siunnersuutigineqartut suliarineqarsimallutik. Taamaasilluni Namminersorlutik Oqartussat eqquneqarmatali Nuuk pingaarnersiorneqarnera suli ingerlaannarpoq.

Atuilluartsuunissakkut kingunerisinnaasai

Inuiaqatigiit taama annertutigisumik naligiinninnerat nunallu pissarititaasa illoqarfimmi tassani ataatsimoortumik tapiissutit tiguneqartarfiini pingaarnersiorneqartarnerat – sumiiffinnilu inuussutissarsiuutigut ineriartortitsinissami periarfissalinniunngitsoq - atuilluartsuunerunngilaq. Nunap ineriartortinneqarneranut naligiimmik ingerlasoqassasoq pingaaruteqartorujussuuvoq.

Aningaasaqarnikkut allaffissornikkullu kingunerisinnaasai

Ilusissat nutaat pillugit allakkiani siullerni takutippaat, ilusissat arlaannaalluunniit atorneqaraluarpat, Qeqqata Kommunianingaaqarnikkut eqqorneqassasoq. Kisitsinernili suli nalorninartoqarpoq, kingunerisalu naatsorsorneqarneri piffissami aggersumi takkukkumaarput. Naatsorsuinerilli maannakkut atorneqartut, aammalu inaarutaasumik naatsorsuinerit malillugit Qeqqata Kommunianut kommuninut allanut naleqqiullugu, kingunerisassai annertuallaassanngitsut ilimagineqarsinnaavoq.

Ilusissat nutaat Qeqqata Kommunianik pilliuteqarluni, Nuuk, taamaasilluni Kommuneqarfik Sermersooq, pitsaanerumik sullinniarlugulusooq suliaarpasippoq. Taamaasilluni siunnersuutini nutaani Qeqqata Kommunianingaaqarnikkut Sermersuumit annertunerumik eqqorneqassaaq.

Qeqqata Kommunianingaaqarnikkut Sermersuumi innuttaasumut ataatsimut aningaasanik annertoqatipajaavanik pisassaqqarpoq, kommunillu sinneri marluk annerumik pisassaqqarlutik. Kommunilli pingasuusut Namminersorlutik Oqartussat ukiuni kingullerni illuinnaasiortumik Nuup salliutinneqartarsimanerata malitsigisaanik eqqorneqarnerusuupput. Taamaasilluni kommunit pingasuusut illoqarfiit pingaarnersaat minillugu equngasumik inuttaqassutsimikkut katitigaapput, suliffiit sulisinnaasullu ilinniarsimasut Nuummumut nuttarnerannik, Namminersorlutillu Oqartussat pingaarnersuisarsimanerannik peqquteqartumik. Taamaasilluni kommunini pingasuusuni meeqqat inuusuttut kiisalu utoqqaat innuttaasullu allat kommunimut aningaasartuutaasut amerlanerulerlutik.

Qullersaqarfiup oqaaseqaatai

Soqanngilaq.

Allaffeqarfiup naliliinera

Allaffeqarfiup nalilerpaa nutaamik ilusiliineq naapertuilluartoq pingaaruteqarluinnartoq peqqinnartumillu kajujuummissummut ilusilersueqataassasoq.

Iluseq massakkut atorneqartoq imaluunniit Naalakkersuisumit ilusissatut siunnersuutigineqartut tamarmik naapertuilluartsuunngillat, tassami Qeqqata Kommunianingaaqarnikkut Sermersuumit utoqqaqarnerusoq innarluutilinnillu innuttaqarnerusoq, Kommuneqarfik Sermersooq assigalugu innuttaasumut ataatsimut aningaasat amerlaqatai atorlugit innuttaminik sullissinniartussaammat. Aammattaaq Namminersorlutik Oqartussat Nuummi kulturikkut misigisassanut assigiinngitsunut, nunatta katersugaasivia, nunatta atuagaateqarfia Katualu aqutugalugit aningaasaliisarpoq.

Iluseq massakut atorneqartoq imaluunniit Naalakkersuisumit ilusissatut siunnersuutigineqartut tamarmik peqqinnartumik kajujuummissummut ilusilersuinngilaq. Kalaallit Nunaata aningaasaqarneranut pingaaruteqarluinnarpoq, Nuummi innuttaasut peqatigiiffiillu sunnuteqarluarsinnaasut (minnerunngitsumik Namminersorlutik Oqartussat sumiiffimmilu kommuni) nunap sinneranik suliffinnik ”tilligarunnaarnissaat”. Kalaallit Nunaata aningaasaqarnera pitsaasumik ineriartussappat, inuussutissarsiutitigut ineriartorneq peqqinnartoq aallunneqartariaqarpoq. Namminersorlutik Oqartussat Naalagaaffiullu akissarsianut aningaasartuutai assigiimmik agguanneqarpata aatsaallu tamanna pisinnaavoq. Taamaattumik pingaaruteqarluinnarpoq akileraarut taanna naligiissaarinnermut aaqiiissummi nutaami 100%-imik ilanngullugu naatsorsorneqarsimanissaa. Kalaallit Nunaata allaffissorpallaarluni ineriartornera qimanneqartariaqarpoq, aningaasanik isaatitsisunngorlugu.

Taamaasilluni allaffeqarfiup nalilerpaa Naalakkersuisumit ilusissatut nutaat siunnersuutigineqartut Qeqqata Kommunianit itigartitsissutigineqassasut. BDO-p oqaaseqaataaneersoq takussutissiaq 36 siullermik atorneqartoq suli aallaavigineqartariaqaralarpoq. Ilusissap nutaap Namminersorlutik Oqartussat Naalagaaffiullu isertitai tamarmik 100%-imik naligiissarneqanngippata, siornatigutut Nuummi kulturikkut ingerlatsinermi Namminersorlutik Oqartussat 30 mio. kr.-it sinnerlugit ingerlatsinermut tapiissutaat ilanngullugit akiligassat/pisassat naatsorsorneqartariaqarput. Taamaangippat kommunini naligiinnginneq annertuallaalissaaq.

Innersuussut

Allaffeqarfiup innersuussutigaa, borgmesteri Aningaasaqarnermut ataatsimiititaliaq sinnerlugu Kommunalbestyrelsimut inaarutaasumik akuerisassanngorlugu innersuussutigissagaa, Aningaasaqarnermut Naalakkersuisoq

Qeqqata Kommunalbestyrelsiata aalajangiinertik attatiinnassagaat

Namminersorlutik Oqartussat akissarsianut aningaasartuutaat 40%-imik imaluunniit 70%-imik naligiissaarlugit nutaamik ilusiliinera akuerineqarsinnaanngitsoq

Namminersorlutik Oqartussat Naalagaaffiullu akissarsianut akiliutaat kiisalu Namminersorlutik Oqartussat Nuummi kulturimut ingerlatsinermut tapiissutai isiginjarlugit nutaamik ilusiliinermi naligiissarneqartariaqartut

Aalajangiineq

Ilanngussaq

1. “Nutaamik naligiissaarinnissamut ilusiliinissaq ataatsimoortumillu tapiissutinut sinaakkusiinissamik eqqarsaatigisat, 20. maj 2014-imeersoq” pillugit BDO-mit oqaaseqaatit
2. Kommunalbestyrelsip ulloq 5. juni 2014 ataatsimiinneranit imaqarniliaq, imm. 5
3. Aningaasaqarnermut Naalakkersuisup, Kanukokap siulittaasuata borgmesterillu ulloq 18. juni 2014 ataatsimiinnerannit oqaluserisassat ilanngussartallit.
4. Aningaasaqarnermut Naalakkersuisumit kommuninut ulloq 27. juni 2014-imeersoq allagaq.

Imm. 03 Sisimiuni utoqqarnut inissiat aqqaneq-marluk pillugit suliariumannittussarsius-sinerup inernera – immikkut aningaasaliissutit

Journalnr. 17.05/ kt 70-49-11 12 ældreboliger i Nikkorsuit, Sisimiut

Tunuliaqutaq

Rambøllip pilersaarussiaa naapertorlugu 2014-imi juulip 22-ani suliariumannittussarsiuussisoqarpoq. Suliariumannittussarsiuussineq aallaavigalugu missingersuut A suliarineqarpoq, suliariumannittussarsiuussinerlu nalilersorneqarluni.

Maleruagassatigut tunngavissat

Utoqqarnut inissianik aqqaneq-marlunnik sanaartornissaq kommunip suliaassaraa, tamannalu inatsisartut inatsisaat nr. 11, 2007-imi novembarip 19-ianeersoq naapertorlugu Namminersorlutik Oqartussat tapiissuteqarfigisussaallugu.

Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Pissutsit atuuttut

Utoqqarnut inissiat aqqaneq-marluk inissiami sisamanik quleriilimmi, allermi torsuusalmikk isaariaqarluni, kaassuartakkanut rollatorinullu inissiiveqarluni, teknikkikkut tunngasunik initaqarluni, angerlarsimaffimmi ikiortinut toqqorsiveqarluni kiisalu ineqartunut aqqaneq-marlunnut toqqorsiveqarluni, quleriinni sinnerini pingasuni ataatsimik sinittarfilinnik sisamanik inissiatqarluni sanaartugassatut pilersaarutigineqarpoq. Silaannarmik isaatitsivimmi kissassiinermi kissaq sinneruttumik atoqqiisartoq silaannarissaat qaliarpaami inissisimavoq.

Init tamarmik kaassuaatinik iserfigineqarsinnaapput, elevatorimilu peqqinnissaqarfiup siniffiutaa inissaqarluni. Init tamarmik innarluutilinnut perusuersartarfeqarlutik, sinittarfittaqarlutik, igaffik inilu ataannarlutik igaffimmi nerriviusap portussusia innaallagiatortumik nikisinneqarsinnaalluni marlunnik initaqassapput. Inini tamani matoqqasumik aneerasaartarfeqassaaq.

Missiliuut A naapertorlugu nakkutilliinermut aningaasartuutit ilanngunnagit 24.190.000 koruuninik naleqarpoq, nakkutilliineq sanaartornermillu aqutsineq kommunimit isumagineqartussaammat. Ini ataaseq 60 m²-iussaaq, inilu ataaseq 2,016 mio. koruuninik akeqassalluni. Teknikkeqarfik, elevatori, majuartarfiit, toqqorsiviit ataatsimoortarfillu ilanngullugit Sisimiuni inissiaq 1.193 m²-iussaaq, m²-imut 20.277 koruuninik naleqassalluni, Maniitsumili missiliuut A naapertorlugu utoqqarnut inissianut m²-mut 21.457 koruuniussalluni.

Sisimiuni utoqqarnut inissiat aqqaneq-marluk sanaartugassat 1193 m²-iusuni, 12 x 60 = 720m²-it ineqarfiusussaapput. Sinneruttut 473m²-iusut tullinnguuttutigut agguataaqapput:

Majuartarfiit elevatorilu, 3 x 57 + 59 230 m²

Torsuusaq + kaassuartakkanut uninngasarfik, allermi 43 m²

Allermi teknikkinnut tunngasut, kiassarneq 25 m²

Qaliarpaami silaannarissarfik 43 m²

Allermi toqqorsiviit kiassarneqanngitsut 13-it 132 m².

Eqqiaassutininut angerlarsimaffimmilu ikiortinut toqqorsivik 26m²-iuvoq, ineqartunullu toqqorsiviit aqqaneq-marluk 5m²-iupput + ataatsimoorussamillu torsuusaq 2 x 18m²-iulluni. Ikkat ilanngullugit, Ini-mi m²-imut inimut akiliutissatut naatsorsuisarnertut, nunaminertat naatsorsorneqarput.



Atuilluortuunissakkut kingunerisinnaasai

Inuit namminneq nalinginnaasumik illuliortitertillugit, kommunip sanaartortitsinermini utoqqarnut, innarluutilinnut ilinniartunullu inissianik sanaartortitsiniarnera atuilluortuuneruvoq. Utoqqaat Illuata bussillu unittarfiata eqqaani utoqqarnut inissialiorniarnarneq, pisiniarfilerinissamullu periarfissat patsisaallutik utoqqaat eqaatsumik ineqarnissaannik neqeroorfigineqarnissaannut periarfissiivoq. Nikkorsuarni sanaartornermi Tuapannguanut kiassaateqarfimmit aallaqqaammut kiassarneqarsinnaapput, kingusinnerusukkullu ikuallaavimmit kissamik atuinissamut attavik kiassarnermut attavimmut tallineqarsinnaalluni.

Aningaasaqarnikkut allaffissornikkullu kingunerisinnaasai

Ukiup aallartissimalernerani utoqqarnut innarluutilinnullu inissiasanaut kvadratmeterimut annertussusissaannut naatsorsuinermi kukkusoaqarsimanera paasineqarpoq. Tamatuma kingunerisaanik kommunip aamma Namminersorlutik Oqartussat siunertamut aningaasat immikkoortissimasaat annikippallaalerput.

Namminersorlutik Oqartussat 2014-imi apriliip 8-ni mailikkut nalunaarutigaa, missingersuutitigut kinguneqartussaannigsumik innarluutilinnut inissialiornissamut 2014-imi immikkoortinneqarsimallutik 1,42 mio. koruunit, utoqqarnut inissialiornissamut Aningaasaqarnermut ataatsimiititaliaq nuutisimasooq. Tamatuma saniatigut 2015-imut Aningaasaqarnermut inatsimmut innarluutilinnut inissianut immikkut aningaasaliissuteqassasoq eqqarsaatigineqarpoq. Inissiat 60m²-iusunut, toqqorsivinnut teknikkeqarfimmullu sanaartugassap 25 procentiusumut 222m²-imut aammalu majuartarfinnut+torsuusamut inimut ataatsimut annerpaamik 11 m²-iusumut sanaartorneq 8.577.000 koruuninik peqqussutit naapertorlugit tapiiffigineqarnissamik pisinnaatitaaffeqarpoq.

Suliariumannittussarsiuussinermi ulluni 40-ni pituttugaanissamik piffissaliisoqarpoq, suliariumannittussarsiuussinerli aasaanerani ingerlanneqarpoq, sanaartornerullu allartisarnissaanut ullumik ataatsimik kinguartitsisaqattaartoqassagaluarpat, taava ukiuunerani betongimik suliaqarnissamut kinguneqarsinnaavoq. Suliap ingerlaannartumik aallartinneqarsinnaanngippat, ukiukkulli aatsaat aallartinneqalissagaluarpat assaanerit betonginillu kueraanerit sivisunerusumik ingerlanneqartariaqassapput. Sanaartornermi ukiukkut betongilersuinerit akisuneruinnanngillat aammali kissassutsip +-imiittunit pitsaassusaa ajornerusarpoq. Sulisoqarnikkut oqimaannerusut, soorlu sanasut qalipaasullu sulinissaannut, betongilerinermi suliat naammassineqarsimareertussaapput. Tamanna tunngavigalugu suliamik ingerlatsinerup kinguarsaqqinnginnissaa innersuussutigineqarpoq, kinguarsaqqinneqassappammi akisunerulissaaq, pitsaassusaa annikinnerussaaq sanasunullu suliasanaut tunngasut aamma kinguarsarneqalissallutik.

Aningaasaliissutit naatsorsuutigisamillu aningaasartuutissat kiisalu immikkut aningaasaliissutissatut pisariaqartinneqartut tulliuttumi takuneqarsinnaapput:

Konto	Taaguutaa	2014	2015	Katillugit
	Sanaartornissami aningaasartuutissanut missiliuut A	8.570	15.620	24.190
7050115061	Kommunip missingersuutai	3.750	3.750	7.500
7050218201	Namminersorlutik Oqartussat aningaasaliissutai	4.820	3.400	8.220
	Aningaasaliissutigineqarqittussatut pisariaqartinneqartut	0	8.470	8.480



Qullersaqarfiup oqaaseqaatai

Namminersorlutik Oqartussanut qinnuteqarnermi kiisalu kommunip missingersuutaanut ilanngussinermi kukkusumik naatsorsuisoqarsimaneq patsisaalluni, Sisimiuni Maniitsumilu utoqqarnut innarluutilinnullu inissianut sanaartugassanut aningaasaliissutit immikkoortinneqartut annikippallaarsimapput. Tamanna tunngavigalugu sanaartugassanut sisamaasunut immikkut aningaasaliisoqarnissamik pisariaqartitsisoqarpoq. 2014-imi juunimi borgmesteri Maniitsumi utoqqarnut inissianut 5,78 mio. koruuninik immikkut aningaasaliisoqarnissamik akuersissuteqarpoq, sanaartornerillu aallartinneqarlutik.

Suliap nukinginnartuunera patsisaalluni, Sisimiuni Maniitsumilu utoqqarnut inissialiornissamut pilersarusiornerit sumiiffinni siunnersortinit ingerlanneqarput. Ajorluartumillu tamatuma kingunerisimavaa, inissiat iluisa pitsaassusaasalu assigiissaarneqannginneri.

Innarluutilinnut inissianut atatillugu ataatsimoorussamik sanatitsinermik ingerlanneqassaaq, taamaalilluni inissiat ilui pitsaassusaalu assigiissaarneqarnissaat ukkatarineqassalluni. Kommunip illuutaanut atatillugu sanaartornissamut malittarisassanik Teknikkimut Avatangiisinullu immikkoortortaq suliaqarnermik aallartitsererpoq.

Illoqarfinni marluusuni innarluutilinnut inissianut missingersuutitigut aaqqiissutit/immikkut aningaasaliissutit 2015-imut missingersuutitut ukiunullu missiliuteqarfiusunut ilanngunneqarnissaat naatsorsuutigineqarpoq. Pilersarusiornerup kiisalu kommunip aningaasat tigorianaasai tamaviaarnartuunerata kingunerisaanik, pingaarnertut 2016-imut missiliutigineqartunit atuutilissallutik.

Allaffeqarfiup naliliinera

Sisimiuni ini ataaseq 2,016 mio. koruuninik naleqarpoq, Maniitsumilu ini ataaseq 1,794 mio. koruuninik naleqarluni. Sanaartugassalli marluusut tullinnguuttutigit assigiinngissuteqarput: Sisimiuni inissiani mekaniskiusunik silaannarissarfeqassapput, tassa oqoqalernissamik annikilliliisut atuilluartumillu kissamik atuisuusut, Maniitsumilu inissiat nalinginnaasunik silaannarissarfeqassapput, tamakkulu ineqartunit milinneqarsinnaasartuullutik. Sisimiuni aneerasaartarfiit ineqartunit ukiup ingerlanerani sivilisunerusumik atornerqarsinnaanngorlugit matoqqasuussapput. 2014-imi juunip 25-ani Ilaqutariinnermut ataatsimiititaliap ataatsimiinnermini innarluutilinnut inissianut aneerasaartarfiit matoqqasut kiffartuussinnermut atatillugu ilaatigut akuersissutigai. Maniitsumi aneerasaartarfiit ammaannartuussapput.

Sisimiuni igaffinni nerriviit innaallagiartortuussapput, taamaalillutik kaassuartaakkanik atuisunit atuinngitsunillu portussusaannik naleqqussarneqarsinnaallutik. 2014-imi juunip 25-ani Ilaqutariinnermut ataatsimiititaliap ataatsimiinnermini innarluutilinnut inissianut igaffimmi nerriviit innaallagiartortuunissaat kiffartuussinnermut atatillugu ilaatigut akuersissutigai. Maniitsumi igaffimmi nerriviit nammineq portussusaannik aaqqittagaassapput.

Sisimiuni utoqqarnut immikkoortortamit kissaateqarneq naapertorlugu, ataatsimut appakaaffissiami najukkamit ambulancenut siniffimmik assartuinissamik inissaqartitsivoq, taamaalilluni majuartarfiit ataatsimoorussat annertunerullutik.

Sisimiuni innaallagissamut, imermut kuuffissuarnullu attaviit sanaartugassanut taakkununga eqqaanilu sanaartorfissamut ataatsimoorussaassapput. Attavilersuinermi aningaasartuutit katillugit 1,354 mio. koruuniusuni 0,677 mio. koruunit, tassa affai, eqqarisami sanaartorfissami sanaartorfigissaanissamut immikkoortitaapput.

Kiassarnermut suliniut Nukissiorfimmit suliarineqassaaq, tamanna kommunimit suli takuneqanngilaq, taamaalilluni qaqugukkat attavilersinneqarnissaq piffissami matumani ilisimaneqanngilaq, sanilliussinissaq oqilisaaffiginarlugu Maniitsumi aningaasaliissutit assigalugit missiliummut immikkoortinneqarpoq.

Allaffeqarfiup innersuussutaa

Aningaasaqarnermut ataatsimiititaliaq sinnerlugu borgmesterimit Kommunalbestyrelsimut akuereqqullugu innersuussutigineqarpoq,

2015-imut 8,480 mio. koruuninik immikkut aningaasaliisoqassasoq.

2014-imi juulip 22-ani suliariumannittussarsiuussinermi missingersuutitigut sinaakkutilliussat iluini inernerusut naapertorlugit, Sisimiuni Teknikkimut Avatangiisinullu immikkoortortaq isumaqatigiissusiornissamik piginnaatinneqassasoq.

Borgmesterip suliamik suliaqarnera

Aningaasaqarnermut ataatsimiititaliaq sinnerlugu juulip 25-ani 2014-imi borgmesteri aalajangerpoq, allaffeqarfiup innersuussutaa akuersissutigalugu.

Innersuussut

Kommunalbestyrelsimut akuereqqullugu innersuussutigineqarpoq,

2015-imut 8,480 mio. koruuninik immikkut aningaasaliisoqassasoq.

2014-imi juulip 22-ani suliariumannittussarsiuussinermi missingersuutitigut sinaakkutilliussat iluini inernerusut naapertorlugit, Sisimiuni Teknikkimut Avatangiisinullu immikkoortortaq isumaqatigiissusiornissamik piginnaatinneqassasoq.

Aalajangiineq

Ilanngussat

1. Missingersuut A 23.7.2014-imeersoq
2. Suliariumannittussarsiuussinerup imaqarniliarinera
3. Nunaminertap naatsorsorneqarnera
4. Allit titartarneqarnera

Imm. 04 Maniitsumi utoqqarnut pisinnaanerusunut inissiat aqqaneq-marluk pillugit missingersuut A

Journalnr. 17.05/12 Maniitsumi utoqqarnut inissiat

Tunuliaqutaq

Masantip pilersaarussiaa naapertorlugu 2019-imi juunip 19-iani suliariumannittussarsiuussisoqarpoq. Suliariumannittussarsiuussineq aallaavigalugu missingersuut A suliarineqarpoq, suliariumannittussarsiuussinerlu nalilersorneqarluni.

Maleruagassatigut tunngavissat

Utoqqarnut inissianik aqqaneq-marlunnik sanaartornissaq kommunip suliaassaraa, tamannalu inatsisartut inatsisaat nr. 11, 2007-imi novembarip 19-ianeersoq naapertorlugu Namminersorlutik Oqartussat tapiissuteqarfigisussaallugu.

Sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq.

Dansk Byggeri nutsikkamik qinnuigineqarpoq – juunip 24-ani naammassereersimassasoq naatsorsuutigineqarpoq.

Pissutsit atuuttut

Utoqqarnut inissiat aqqaneq-marluk inissiami tallimanik quleriilimmi, allermi isaariaqarluni, kaassuartaqqanut rollatorinullu inissiiveqarluni, teknikkimut tunngasunik initaqarluni, INI-p kiffartuussineranut initaqarluni kiisalu ineqartunut aqqaneq-marlunnut toqqorsiveqarluni, quleriinni sinnerini sisamani inissartaqarluni sanaartugassatut pilersaarutigineqarpoq.

Init tamarmik kaassuaatinik iserfigineqarsinnaapput, elevatorimilu akiut inissaqarluni. Init tamarmik innarluutilinnut perusuersartarfeqarlutik, angisuumik sinittarfittaqarlutik, igaffik inilu ataannarlutik igaffimmi nerriviusap portussusia nikisinneqarnissaalluni marlunnik initaqassapput. Inini tamani ammaannartumik aneerasaartarfeqassaaq.

Ini nutaani allani igaffimmi nerriviusap portussusissaa innaallagiatortumik nikisinneqarnissaassasoq, elevatori annerussasoq kiisalu matoqqasunik aneerasaartarfeqassasut eqqarsaatigineqarpoq.

A missiliuut naapertorlugu 21.500.000 koruuninik naleqassangatinneqarpoq. Ini ataaseq 58,2 m²-iussaaq, inilu ataaseq 1,792 mio. koruuninik akeqassalluni. Ataatsimoortarfik ilanngullugu inissiaq 1.002 m²-iussaaq, m²-imut 21.457 koruunit missaanni naleqassalluni.

Maniitsumi utoqqarnut inissiat 16-it 2010-mit 2013 tikillugu sanaartorneqartut assersuutigigaanni, taakkunani m²-imut 21.400 koruuneqarnikuuvoq imaluunniit ini ataaseq 1,735 mio. koruuneqarluni.

Permagreen-ip neqeroorutaata nassuiaataa Dansk Byggeri-mut piniarneqassaaq. Nassuiaatitigut innersuussutigineqarsinnaavoq, Poul Erik Christensen qammaasuussasoq imaluunniit Permagreen qammaasinneqassasoq. Missiliuut A-mut sunniteqassanngilaq.

Nutaamik suliariumannittussarsiuussisoqarnissaa nassuiaatitigut innersuussutigineqassappat, Permagreen aamma Poul Erik Christensen isumaqatiginninniarsinneqassappat.

Atuilluartaunissakkut kingunerisinnaasai

Inuit namminneq nalinginnaasumik illuliortitertillugit, kommunip sanaartortitsinermini utoqqarnut, innarluutilinnut ilinniartunullu inissianik sanaartortitsiniarnera atuilluartauneruvoq. Utoqqaat Illuata eqqaani utoqqarnut inissialiorniarniarneq, pisiniarfilerinissamullu periarfissat patsisaallutik utoqqaat eqaatsumik ineqarnissaannik neqeroorfigineqarnissaannut periarfissiivoq.

Aningaasaqarnikkut allaffissornikkullu kingunerisinnaasai

Utoqqanut innarluutilinnullu inissiassat kvadratmeterimut angissusissaasa naatsorsorneqarsimanerat kukkuneqartoq ukiup aallartisimalernerani paasineqarpoq. Tamatuma kingunerisaanik kommunip aamma namminersorlutik oqartussat siunertamut aningaasat immikkoortissimasaat annikippallaalerput.

Namminersorlutik Oqartussat 2014-imi apriliip 8-ni mailikkut nalunaarutigaa, missingersuutitigut kinguneqartussaannngitsumik innarluutilinnut inissialiornissamut 2014-imi immikkoortinneqarsimallutik 1,42 mio. koruunit, utoqqarnut inissialiornissamut Aningaasaqarnermut ataatsimiititaliaq nuutisimasooq. Tamatuma saniatigut 2015-imut Aningaasaqarnermut inatsimmut innarluutilinnut inissianut immikkut aningaasaliissuteqassasoq eqqarsaatigineqarpoq.

Aningaasaliissutit naatsorsuutigisamillu aningaasartuutissat kiisalu immikkut aningaasaliissutissatut pisariaqartinneqartut tulliuuttumi takuneqarsinnaapput:

Konto	Taaguutaa	2014	2015	I alt
	Sanaartornissami aningaasartuutissanut missiliuut A	9.500	12.000	21.500
7050215061	Kommunip missingersuutai	3.750	3.750	7.500
7050218201	Namminersorlutik Oqartussat aningaasaliissutai	4.820	3.400	8.220
	Aningaasaliissutigineqaqqittussatut pisariaqartinneqartut	930	4.850	5.780

Qullersaqarfiup oqaaseqaataa

Oqaaseqaatissaqanngilaq.

Allaffeqarfiup naliliinera

Annertugisassaanani, utoqqarnullu inissialiaasimasunut allaaneruvallaarani m2-imut akigititassaq 21.457 koruuniuvoq.

Permagreen-ip neqeroorutaanut tunngatillugu inatsisilerituut nassuiaataat utaqqineqassaaq. Tamatuma kingorna qammaanissaq Permagreen-imut Poul Erik Christensen-imulluunniit suliakkiunneqassaaq.

Suliffeqarfik suliasamik tigusinngitsoq, eqqartuussivimmut suliakkiisinaanissaa avaqqunneqarsinnaanngilaq.

Nutaamik suliariumannittussarsiuussisoqarnissaanik innersuussisoqassappat, illuatungeriit isumaqatiginninniarsinneqarnerisigut tamanna pinngitsoortinniarneqassaaq.

Allaffeqarfiup innersuussutaa

Aningaasaqarnermut ataatsimiititaliaq Kommunalbestyrelsilu sinnerlugu borgmesterimit akuereqqullugu innersuussutigineqarpoq,

2014-imi 930.000 koruuninik, 2015-imilu 4.850.000 mio. koruuninik immikkut aningaasaliissuteqartoqassasoq

2014-imi juunip 19-iani suliariumannittussarsiuussisimaneq, aningaasaliissutit allanngornerat, inatsisilerituullu naliliinerat naapertorlugit Maniitsumi Teknikkimut Avatangiisinullu Immikkoortorta q isumaqatigiissusiornissamut pisinnaatinneqassasoq



Borgmesterip suliamik suliaqarnera

Innersuussut borgmesterip juunip 23-ani 2014-imi akuersissutigaa.

Aningaasaqarnermut ataatsimiititaliaq Kommunalbestyrelsilu tullissaanik ataatsimiinnissaanni, aalajangiineq pillugu ilisimatinneqassapput.

Innersuussut

Suliaq kommunalbestyrelsimut paasissutissatut saqqummiunneqarpoq.

Aalajangiineq

Ilanngussat

1. Aningaasaqarnermut Akileraartarnermullu Ataatsimiititaliap siulittaasuanit allakkat 2014-imi apriilip 8-neersut
2. Masanti – 23. juni 2014 – Neqeroorut pillugu allakkiaq
3. Masanti – 20. juni 2014 – Suliariumannittussarsiuussineq pillugu imaqarniliaq
4. Masanti – 2.7.2014-imi tiguneqarsimasoq. 1328_Neqeroorummik toqqaaneq pillugu allakkiaq.

Imm. 05 Maniitsumi krani pillugu Karl Lyberthip saaffiginnissutaa

Journalnr.

Tunuliaqutaq

Kommunalbestyrelsimi ilaasortap Karl Lyberthip juulip 24-ani 2014-imi e-mailikkut saaffiginnissutigivaa Maniitsumi kranimut tunngasoq oqaluuserisassanut ilanngunneqarnissaa.

Karl Lyberthip oqaatigaa, kommunalbestyrelsimi kingullermik ataatsimiinnermi ukioq-manna Maniitsumi kran-iliinissaq amerlanerussuteqartut aalajangiukkaat. Paasitinneqarninilu malillugu Teknikkimut Avatangiisinullu ataatsimiititaliap tamanna aalajangiineq allanngortissimagaa kissaatinut ilanngullugu.

Karl Lyberthip suliap ingerlanera assut eqqumiigaa paasiuminaatsillugulu taamaattumillu kissaatigalugu Maniitsumi kran-iliinissaq kommunalbestyrelsip immikkut ittumik ataatsimiinnerani ilanngullugu eqqartorneqaqqissasoq.

Pissutsit atuuttut

Ilanngussaq 2-mi takuneqarsinnaasutut, Maniitsumi Aalisartut Aqputaanni kranip taarserneqarnissaa pillugu Siumumi Maniitsumeersut saaffiginnissutaat, kommunalbestyrelsip juunip 5-ani 2014-imi ataatsimiinnerani oqallisigineqarpoq.

Tassani kommunalbestyrelsimut akuereqqullugu innersuussutigineqarpoq, siunnersuutip oqallisigineqareerneratigut Teknikkimut Avatangiisinullu ataatsimiititaliamut sulias-sanngorlugu ingerlateqqinneqassasoq.

Aammalu politikikkut partiit 2015-imit missingersuutinut ukiullu 2016-imit 2018 tikillugu missiliuuteqarfiusunut pingaarnersuuinissamat siunnersuutinik juunip 19-at 2014-mi tunniussisimareertussaanerat erseqqissaatigineqassasoq.

Taasinermi innersuussutigineqartoq akuersissutigineqarpoq

Innersuussummut akuersisut 13-it

Akerliusut 2-t

Teknikkimut Avatangiisinullu Ataatsimiititaliamut suliasanngorlugu ingerlateqqinneqassasoq taasisunit amerlanerussuteqartunit akuersissutigineqarpoq

Ilanngussami 3-mi takuneqarsinnaasutut, suliaq Teknikkimut Avatangiisinullu ataatsimiititaliap juunip 10-ani 2014-imi ataatsimiinnerani suliarineqarpoq.

Tassani Teknikkimut Avatangiisinullu ataatsimiititaliamut innersuussutigineqarpoq, umiarsualivimmi kraaniliinissaq 2015-imit missingersuutinut kissaatinut ilanngunneqassasoq.

Aalajangiunneqarlunilu saqqummiussami paasissutissat kiisalu kivitsisinnaaneranut annertunerusinnissaanut periarfissaq ilanngullugu siunnersuuteqartumut ingerlateqqinneqassasoq, 2014-imi juunip 19-iani missingersuutinut kissaatinut ilanngutinneqarnissaa siunertaralugu.

Innersuussut

Suliaq kommunalbestyrelsis tusaatissatut tigussagaa innersuussutigineqarpoq.

Aalajangiineq

Ilanngussat

5. Karl Lyberthip 24.7.2014-imi e-mailerutaa.
6. Kommunalbestyrelsis 5.6.2014-imi ataatsimiinneranit imaqarniliaq, Imm. 10
7. Teknikkimut Avatangiisinullu ataatsimiititaliap 10.6.2014-imi ataatsimiinnerani imaqarniliaq, Imm. 09

Imm. 06 Tamalaat